



**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De vita bona & mala: & quòd obliquas res ac vias vitare oporteat, ac per  
rectam proficisci. cap. ix.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A filius Altissimi. Non despiciet preces pupilli: nec viduam, si effundat loquelam gemitus. Nonne lacrimæ viduæ ad maxillam descendunt, & exclamatio eius super deducentem eas? 35.

Viduas honora, quæ verè viduæ sunt. Si qua autem vidua filios aut nepotes habet, discat primùm domum suam regere, & mutuam vicem reddere parètibus. Hoc enim acceptum est coram Deo. Quæ autem verè vidua est, & defolata, speret in Deum, & instet obsecrationibus, & orationibus die ac nocte. Nam quæ in delitiis est, viuens mortua est. Et hoc præcipe, vt irreprehensibiles sint. Adolescentiores viduas deuota. Cùm enim luxuriatæ fuerint in Christo, nubere volunt: habentes damnationem, quia primam fidem irritam fecerunt. Simul autem & otiosæ discunt circuire domos, non solum otiosæ, sed & verbosæ, & curiosæ, loquentes quæ non oportet. 1. Tim. 5.

Religio munda & immaculata apud Deum & Patrem, hæc est: visitare viduas & pupillos in afflictione eorum. Iac. 1.

*Turturem aiunt, à coniuge suo disunctam, non iam adduci posse, vt cum altero consuetudinem habeat: verum congressus venerei expertem manere: recordatione videlicet illius, quocum copulata fuerat, alterius societatem respuentem. Audiant scemina, quemadmodum etiam apud animantes, quæ ratione carent, viduitatis honestas multarum nuptiarum turpitudini præferatur.* Basil. Ho. 8. in Hexam.

C Quòd terminos transgredi non oporteat.

CAP. VIII.

**N**ON assumes & transferes terminos proximi tui, quos fixerunt priores in possessione tua. Maledictus, qui transfert terminos proximi sui, & dicet omnis populus, Amen. Deut. 19. 27.  
Ne transgrediaris terminos antiquos quos posuerunt patres tui. Prou. 22.

*Sunt quedam in piscibus, quæ imitari conuenit: nempe quemadmodum singula ipsorum genera, aptam sibi regionem velut partitò consecuta, impetum inter se non faciunt, verum in suis quæque finibus morantur. Nullus geometra domicilia apud eos distinxit. Non mœnibus circumscribuntur, non limitibus distinguuntur: verum sponte, quod cuique accommodatum est, assignatur. Etenim hic sinus hæc piscium genera nutrit: ille alia. Et quæ hic magno numero sunt, aliis locis reperiri nequeunt. Nullus mons acuto vertice prominens eos dirimit: nullus fluuius transitum interscindit: verum lex quedam est natura, quæ iuste & æquabiliter, prout cuique vtile est, sedem omnibus attribuit. At apud nos longè aliter se res habet: quippè qui antiquos terminos immouemus, quos posuerunt patres nostri. Agros protendimus, domum domui coniungimus, vt proximo aliquid eripiamus. Norunt cete sedem sibi à natura assignatam: atque disunctum à regionibus habitabilibus mare occuparunt, quòdque insulis careat, nec vllam è regione continentem terram habeat. Hanc sedem E nacla cete, summis quibusque montibus, vt affirmant qui viderunt, magnitudine nequaquam inferiora, suis se finibus continent, nec aut insulis, aut maritimis regionibus, detrimenti quicquam afferunt. Ad hunc nimirum modum quodlibet genus, non secus atque vrbibus aut pagis quibusdam, aut antiquis patriis, in iis maris partibus, quæ sibi destinatæ sunt, commorantur.* Basil. Ho. 7. in Hexam. Pro. 22. Esa. 5.

De via bona & mala: & quòd obliquas res ac vias vitare oporteat, ac per rectam proficisci.

CAP. IX.

**I**NIQVI aliquid est in manu tua, procul illud fac à te. Sic lucebit facies tua sicut aqua pura. Qui obliuiscuntur viam iustæ, infirmati sunt inter homines. Iob. 11.

- Prou. 16.* Initium viae bonae, facere iustitiam: accepta est autem apud Deum magis quam immolare hostias. Vias, quae à dextris sunt, nouit Dominus: peruersae uero sunt, quae à sinistris sunt. Tribuli & laquei in uis obliquis: qui autem cupiditatem animam suam, abstinere ab eis. Qui iuste ambulat, auxilium accipiet. Iustorum semita quasi lux splendens: procedit & crescit usque ad perfectum diem.
- 16.* Est uia quae uidetur homini recta: & nouissima eius ducunt ad mortem. Si ambularent per uias bonas, inuenirent uias iustorum planas. Semita uiae declinantibus à malis. Dirige semitam pedibus tuis: & omnes uiae tuae stabilientur. Ne declines ad dexteram, neque ad sinistram.
- Hier. 6.* Haec dicit Dominus: State super uias, & uidete, & interrogate de semitis antiquis, quae sit uia bona, & ambulate in ea: & inuenietis refrigerium animabus uestris.
- Ecl. 5.* Ne attrahatis exitum in operibus manuum uestrarum. Non uentiles ad omnem uentum: & non ambules in omni semita. Abscede ab iniquitate tua, & dirige manus: & ab omni peccato purifica manum tuam.
- 2. Pet. 2.* Maledictionis filij, dereliquentes uiam rectam errauerunt, secuti uiam Balaam.
- 1. Thess. 5.* Omnia probate: quod bonum est, tenete: ab omni specie mala abstinete.
- Incert. Ba. filij esse Pato.* Qui uinum fugiunt, non si semel atque iterum peccatum uitarint, propterea laudandi sunt: sed si uini gustum prorsus effugere queant. Etenim amplexandae uirtutis initium est secessio à uinis. Declina enim, inquit ille, à malo, & fac bonum: sapienter nimirum & artificiose, dum ad uirtutem nos inducit, recessum à malo initium boni efficiens.
- Nax. in Terrast.* Scintilla magnas parua flammam excitat:  
Ac uiperinum semen haud raro necat.  
Ob idque noxam, quamlibet paruam fuge:  
Nam parua primum sit licet, crescit tamen.  
*Idem in Lamens. ad Christum.* O mens inanis, fons mali, ne proflue:  
Aut, lingua, saltem ne lutum foedum excipe:  
Si lingua, saltem ne malum manus gerat.  
Imago tibi sic nam manebit integra.
- Chrysost.* Laqueos agnoscamus: ac procul ab ipsis incedamus. Praecipitia agnoscamus: ac ne ad ea quoque propius accedamus. Hoc nobis summæ securitatis causa erit, si non modo peccata fugiamus: sed ea etiam, quae licet nec bona nec mala esse uideantur, tamen nos ad peccatum impellunt.
- Clement.* Discessus à malis, salutis est initium.

De fama bona aut mala.

C A P. X.

- Prou. 22.* **M**ELIUS est nomen bonum, quam diuitiarum multarum: super argentum & aurum gratia bona.
- Ecl. 7.* **M**ELIUS est nomen bonum, quam unguenta pretiosa.
- Ecl. 41.* **M**ELIUS est nomen bonum, quam mille thesauri pretiosi & magni. Gratia est sicut paradisus benedictionis. Bonae uiae numerus dierum: bonum autem nomen permanebit in aeternum. Nomen malum ignominiam & probrum hereditabit. Homo illepidus importuna fabula.

De inani opinione & existimatione: quod praestet bonum esse, quam uideri. Hoc enim ad uirtutem impedimento esse.

C A P. XI.

Vidi